### LES DERNIERES

# PAROLES

### DE MONSIEVR

DE CHASTILLON

Tué à Charenton le Lundy huictiéme Fevrier 1649.



#### A PARIS,

Chez FRANÇOIS PREVVERAY, grande ruë de la Bretonnerie, proche la porte Saint Iacques.

M. DC. XLIX.
Auec Permission.

Sandrand Fall

# 



sland to a stress of the object of the objec

A LINE OF THE



#### LES DERNIERES PAROLES de Monsieur de Chastillon, tué deuant Charrenton.

particultures are appearance of the

Est le fruit des guerres Civiles de ruiner plus de pais en vniour, perdre plus de monde en vne heure, que les ennemis n'en sçauroient deffaire en plusieurs années; nous en auos veu, les larmes aux yeux & la tristesse dans le cœur, les effets sanglants depuis peu, quand nos ennemis pour gaigner vnmeschant passage qu'ils vouloient perdre, ont quand & quand perdu tant de vaillants soldats & de genereux Capitaines. Ce sur à ce malheureux Bourgede Charenton, où nous fut tué ce jeune guerrier de l'illustre Famille de Coligny, race ancienne & fertile en courageux Capitaines, Monsieur de Chastillon que toute la France regrette, encore que sa mauuaise fortune l'eut appelle du costé du mauuais party, & qu'il ait combatant contre sa Patrie respandule sang qu'il auoit tant de fois prodigué pour sa dessence.

Ce ne fut pas sans s'en repentir; & Dieu suy ayant fait cette grace de pouvoir se reconnoistre, & tesmoi-gner ses ressentiments; il mourur en proferant ces paroles:

lesçay, Dieu Tout-puissant, que ta sustice est seue-

re, mais ie suis asseuré par ta mesme parole, que tes misericordes surpassent toutes tes autres œuures. C'est pourquoy j'espere que par le merite du Sang precieux de ton bien-aymé Fils nostre Seigneur Iesus-Christ, tu me pardonneras mes offenses, & que tu ne me jugeras pasen ton ire. L'ay, Seigneur, à te remercier de plusieurs graces que j'ay receues de ta bonté infinie, mais particulierement de ce, qu'outre le loysir que tu me donnes maintenant pour pleurer mes pechez & recognoistre mes fautes, tu as daigné donner des lumieres pour me faire abjurer l'heresse, que j'auois succé. auec la mammelle, & qu'il t'a plû me receuoir dans le gyron de nostre vraye mere la sainte Eglise Catholique, Apostolique & Romaine. Tu m'en donnes, ô grand Dieu, vn affez sensible souuenir, puis que ie meurs Catholique deuant le lieu que j'auois tant de fois frequenté Huguenot.

Ie meurs Catholique veritablement, mais, ô regret eternel! ie meurs les armes à la main contre ma propre Patrie, & dans le lieu où ie pense cueillir des lauriers glorieux & verdoyants, ie ne remporte

que des sombres & funestes exprés.

Ogrand Prince, ie n'ay pû cognoistre vostre vertus sans vous aymer, & ie n'ay pû vous aymer sans vous suiture par tout; aussi la cognoissance que vous auez eu de mon courage & de ma sidelité dans tant d'occassions signalées, m'ont acquis vne bonne part en l'honneur de vos bonnes graces, qui m'ont obligé les yeux bandez à suiure vostre fortune. Mais plût à Dieu, puis que j'estois atrachéà vos interests par des liens si fermes qu'ils ne pouuoient est rerompus que par la mort, qu'el-

le

le me sut plustost arriuée! Que n'aye-je lors respandu la derniere goutte de mon sang, quand combattant contre les ennemis de ma Patrie, ie vous sui uois sorçant les escadrons plus serrés, emportant d'assaut leurs villes les plus sortes: Et plût à Dieu que lors que donner vnel bataille, ce vous estoit vne mesme chose que la gaigner, ie susse mort glorieux & innocent deuant que d'auoir trempé le ser dans le sang de ma Patrie, & n'eusse point slessri l'honneur de la grande reputation

que j'auois acquise parmy les gens de bien.

Vous auez esté surprisaussi bien que moy; le nom du Roy faussement vsurpé par cét estranger ennemy de la France, vous a esblouy, & pensant seruir sa Majesté, vous vous estes rendu esclaue d'vn esclaue, & executeur des passions brutales de celuy, lequel (si la fortune l'eut laisséen l'estat que luy donnoit sa naissance) vous n'eussiez pas voulu receuoir dans vostre Palais, que pour y seruir aux offices les plus vils de vostre Maison. le n'en puis parler sans horreur, maisie me sens obligé, Dieu m'ayant fait cette grace que de me recognoistre, de declarer icy mes derniers & veritables sentimens. Il est vray que ie n'ay iamais consenty de bon cœut à cette guerre funeste, & que si j'eusse crû que mes conseils eussent eu assez de force pour la dissuader, iel'eusse fait de tout mon pouvoir. Ie fus marry de vous y voir engagé, mais vos interests m'ont tousiours esté si considerables, que ie n'ay pû vous abandonner. Encor aymé-ie mieux que si Dieu veut punir quelqu'vn du party que l'ay suiuy, le malheur soit tombé sur ma teste moins veile à l'Estat, que sur celle de vostre personne, que vous exposez si souvent & si legerement pour

B

vne cause si injuste. Iesçay Monseigneur, que la vertu à de la peine à sé tenir en repos, que ce genereux sang qui bout dedans vos veines vous pousse à entreprendre sans cesse de genereuses actions; mais contre vostre Patrie, & contre ce celebre Senat, qui a tousiours rendu & àvos Predecesseurs & à vous, tous les honneurs que meritent & vostre vertu & vostre naissance, contre ce Peuple qui a fait tant de feux de joye, tant d'acclamatios publiques, tat de signes de ressouissances toutes les sois que vous triophiez de nos ennemis, que vous aués autat de fois vaincus, que vous les auez attaqués; contre ce saint & deuot Clergé qui n'abandonnoit point le coin des Autels pour implorer le secours du Ciel, afin de vous preseruer & fortifier vos armes, lors que vo? estiés dans les hazards incertains du combat. Voudriez-vous, ô grand Prince, détruire cette opulente Ciré, le dernier recours de nos Roys dans les affaires desciperées, l'Escoledes Vertus, la pepiniere des bos esprits, la mere de tant de soldats qui ont combatu sous vos estendards. Voudriez-vous brûler vostre Patrie? Voudriezvous que parla licence effrenée de vos soldats cette grade Ville fust pillée? Aymeriez-vous mieux que le bien de vos Citoyens tombast dans les mains des Allemas? Pourriez-vous d'vn œil sec voir violer les femmes & les filles, qui ont tant fait de vœux & de prieres pour la prosperité de vos armes? Voudriez-vo° voir profaner & brusler ces Sain Cts Temples, remplis de rant de trophées des despouilles des ennemis, marque eternelle de vos victoires? De la ruine de Paris arriveroit le sac de toute la France; & qui y perdroit plus que vous mesme? Paris peur-il brûler, sans brusser rien à vous? La

Frace peut-elle perir sans entraisner auec sa ruine celle de vos Maisons de plaisances, de vos Chasteaux, de vos bois, de vos Seigneuries, de vos Duchez, & de vos Principautez? Quand Paris sera ruiné par vous, & qu'on lira dans les Histoires qu'il a esté honnoré de vostre naissance, on demandera aux siecles aduenir où est né ce grand Prince? dans le lieu qu'il a brussé luy-mesme. Dieu vous détourne de ces pernicieux desseins, Dieu fasse perir ceux qui vous les conseillent. Si quelque particulier a esté si malheureux que de vous offencer, ayez plustost compassion de la misere, qu'vn desir de vengeance pour le punir; Caroutre qu'il en pa-roist dessa vne assez grande par la ruine de le sac de tant de peuples innocens voisins de cette grande Cité, prenez garde Monseigneur que vous n'attiriez l'ire de Dieu sur vous, vous ne commandez pas, & peut-estre ne sçauez vous pas tous les sacrileges, les meurtres, les violemens qui se font par la soldatesque qui est dans vostre armée: Pour les brussemens, ils ne vous peuuent estre cachés, mais ie vous asseure Moseigneur, que de tout ce que vous voyez, & de tout ce que vous ne voyez pas, de tout ce que vous commandez pas, bref de tout le mal qui se commer dans les armées qui combattent sous vostre nom, vous en rendrez compte à Dieu, exact & iuste vengeur de ces crimes abominables, qui crient perpetuellement vengeance deuant le Throsne de sa divine Majestéoù ie vais rendre compte, & où vous viendrés à vostre tour, car nul n'en est exempt, & mesme les testes couronnées & pourprées y seront en Estat priué: Là ne sera pas le plus grand celuy qui aura eu de plus grands biens & de plus grandes dignités en ce monde; mais celuy qui en aura mieux vsé, & qui les aura plus fidellement exercez. Que cecy vous touche le cœur, Moseigneur, pésés à vous, vous estes François, & les heureux succés qui ont jusques à present secondé vos armes, font croire que vous estes né pour le salut de la France, & non pas pour sa ruine. De Que si la grandeur de vostre courage ne vous peut donner du repos, si les pluyes, les neiges, les inondations, les gelées, & les autres incommoditez du Ciel que Dieu verse sur nous, pour tesmoigner que cette guerre luy est desagreable, ne peuuent retenir vostre ardeur, siles Allemans ont fait la paix, il nous reste encore des Ennemis en Italie, il nous en reste en Espagne, & nous en reste en Flandres: Reportez-y grand Prince vos armes victorieuses; allez-y triompher derechef, donnez la paix à vostre Patrie, & toutes les armes leuées contre vous seront employées pour vostre seruice. Tous ces Ducs, ces Capitaines, ces soldats, vous suiuront, & exposeront leurs biens & leurs vies pour le progrés de vos victoires. le mourrois sans regretsi le pouvois y retourner auec vous, & là mourir d'vne blessure qui essast la tache de celle que j'ay receu, & dont ie meurs auec regret, d'auoir souillé mon bras dans les entrailles de ma Patrie. som i grande a minima de de contra con esta que en esta que en

## FIN.

Arus grant la mander de propies et a l'especiel na francie et l'especiel de prompies y l'especiel na francie de l'especiel de l' Digitized by the Internet Archive in 2010 with funding from Boston Public Library

BOSTON PUBLIC LIBRARY

3 9999 05291 317 3